

光緒山西通志

山川考九

考二之九

山西通志第三十九

賜進士出身頭品頂戴兵部侍郎兼都察院右副都御史巡撫山西提督軍務臣張煦奉
旨監修

白登山紇干山

大青山

黃河北山 金河北山 金河南山 黃河東山 金河東諸山

白登山在大同府東七里山平漫無峰又稱白登臺其脈來自府北五十里近邊之紇干山衍迤於如渾水之左由紇干而東爲陽高天鎮之北山跨延鄉水與直隸之懷安縣界由白登而東爲陽高天鎮之南山恩陽門山與直隸之西甯縣及懷安界北沿邊牆南循桑乾川雁門敦水貫注其中爲南泮河古爲代郡治所謂高柳川高柳塞者皆在今陽高而金元皆以白登名縣故舉以概桑乾以北諸山

史記漢七年高帝自將擊匈奴先至平城冒頓統精兵圍

高帝於白登七日乃解正義曰白登臺在白登山朔州定襄縣東三十里定襄漢平城縣也索隱引姚氏案北疆記云桑乾河北有白登山

漢書注服虔曰白登臺名去平城七里如淳曰平城旁之高地若邱陵也師古曰在平城東山上去平城十餘里今其處猶存服說非也

水經注如渾水又南分爲二水一水西出南屈入北苑中逕平城西郭內又南屈逕平城縣故城南史記音義曰在雁門卽此縣也魏天興二年遷都於此一水南逕白登山西服虔曰白登臺名去平城七里如淳曰平城旁之高地若邱陵也今平城東十七里有臺卽白登臺也臺南對岡阜卽白登也故漢書稱上遂至平城上白登者也其水又

南遷平城縣故城東司州代尹治皇都洛陽以爲恆州其

水自北苑南出歷京城內

案北苑卽天興四年所起之鹿苑東北苑包白登屬之西山者故二

水皆入苑中其西入之水鄭注云遠出郊郭公私引溉所在布濩不可得而論也

如渾水又南與

武州川水會又南流逕班氏縣故城東又東南注於濡水

魏書禮志皇始元年建祖廟於白登歲一嘗兼祀天帝以

山神爲配帝紀天興二年起鹿苑於南臺陰北距長城東

包白登屬之西山廣輪數十里永興五年正月大閱於東

郊帝臨白登親自校覽焉八月帝臨白登數軍實秦常四

年築宮於白登山六年發京師六千人築苑起自舊苑東

包白登周回四十餘里太和元年幸白登山四年幸白登

山

隋冀州圖經白登山在定襄縣東北漢高所困之處因山

為名

御覽

古平城在白登臺南三里有水焉城東西八里

南北九里

寰宇記引

元和志白登山在雲中縣東北三十里紇真山在縣東三

十里虜語紇真漢言三十里其山夏積雪霜

案志所云白登皆據定襄

故治兩言與火山在縣西五里同其
雲中縣亦在今府西二十八里

大同府志小白登山俗名馬鋪山西距府城七里有

白登臺東北連採掠山以陽高縣有白登山故此加小

也漢書注水經注里數不合蓋漢與北魏之平城雖均

今府治其地界稍有差別故水經注既引服如二氏之

說又云今平城東十七里也道元以北魏人記京邑親

履其地其言必不妄是北魏平城東十七里即漢平城

東七里今東倉坡以東高阜處近之而陽高縣東南二

十五里之白登山始於遼史之誤以長青縣爲漢白登臺地金史因之其實漢高被圍之處不在此明史地理志大同縣有白登山陽和衛下但言元白登縣最確

謹案白登本平城旁邑聚之名漢人並不以爲山李穆叔趙記所謂有土山高百餘尺方十餘里者其地亦高原也惟北魏書始其言白登山水經注指爲臺南之岡阜則是桑乾河以北諸山矣漢書言高帝聞匈奴在代谷而欲擊之代谷當是桑乾高柳二川蓋匈奴代兵兩川山谷左右兜合故高祖東行未遠卽陷重圍自是地名遂顯後人以名臺並以名山地志所記道里亦各差互

以吉甫集史諸書核之則山反在紇干山北

遼志宏

州有白登山宏州今西甯其北山卽陽高之南山與

府城東山本一脊相連受其通稱未爲不可惟謂高祖被圍於此則謬矣

由白登臺而東爲牛皮嶺迤北曰少咸山敦水出其麓東流入陽高爲白登河循河之陰東過白登故縣南抵桑乾川西臨如渾水岡阜陁連者悉白登山也曰黃土梁在其陽爲古沙陵曰牽牛山在其陰入天鎮界

山海經少咸之山敦水出焉東流注於雁門之水

水經注燥水又東逕平邑縣故城南十三州志曰城在高

柳南百八十里一統志在陽高縣南案陽高至桑乾河止

朱謀瑛本無百字又東逕沙陵南魏金田之地也事同曹

魏鄴中定矣戴東原曰語有脫誤據三國志注引魏略云

官志本注云曹公始置司金中郎爲司金中郎將續漢書百

宋魏書食貨志延昌三年恆州上言白登山有銀礦入石

得銀七兩錫三百餘斤其色潔白有喻上品詔置銀官常令採鑄鄆注云云似指此澗水又東逕氏縣故城北一統志在廣靈又東逕道人縣故城南地理風俗記

初築此城有仙人遊其地故因以爲城名金城城北有淵潭

而不流故俗謂之平湖也十三州志曰道人城在高柳東

北八十里所未詳也案城去參合縣五十里當在縣高柳

東北或東南之誤金賊蓋指上文之少陵言今東井集有

東井河或是平湖也自東井集以西連大同東川其北皆

土城沙溝迤邐百里至白登壺並又敦水注云其水導源

道元所謂盛南岡阜即白登山也又敦水注云其水導源

道人城北五十里有參合鄉故縣也

唐書地理志雲中縣有牛皮關

大同府志採掠山之南聚落之西曰牛皮嶺西距府治六十里南連土坡山兩崖對峙若頽垣欲落中通仄徑

卽古牛皮關遺址少咸山在聚落城北俗名聚落山乃採掠山之驛枝也水經注敦水導源少咸山南麓卽今白登河發源山下河頭村西南距府治七十八里白登河之陰曰白登山西北距陽高縣治二十五里其北有大小白登村乃金元白登縣故治也案漢代郡參合縣當在故縣南史記韓王信入居參合柴將軍與成屠參合斬韓王信卽此地也與北魏之參合陁又名蒼鵠陁在今甯遠縣者各別方輿紀要誤爲一桑乾河自大同西壠頭入陽高縣南川界東

徑黃土梁南

大同縣志東塘坡一名無憂坡在城東五里採掠山之南爲聚稼山距城五十四里又南土坡山又南老師嶺並距城五十里牛皮嶺之東南爲金山一名焦山距城六十里又南牌樓山亦距城六十里又南昊天寺山距

城六十五里少咸山之東南爲豐草山距城六十里

明景

秦時也先自順聖川入寇大同德兵郭登敗之於沙窩河敗之於樓老山順聖川在縣東南桑乾河開沙窩在河北岸潭頭村西黑石崖東惟修棧山不傳詳其地勢疑卽圪塔山也

又南酸刺斑山距

城七十里又西南東平山距城六十八里採掠山之東

南爲狼臥山距城五十五里又南老虎山距城五十七

里又南雙山距城六十五里又東南峨峰山距城七十

五里又東南柏葉山距城八十五里又南燕歇山距城

九十里又西南東孤山又東南豐稔山並距城九十里

又南虎尾山距城一百二十里

宋此並自登山之圖阜其山名多沿俗稱

天鎮縣志摩牛山自登山之東支在縣西南五十里西

距白登河與陽高分界舊志曰本名牛山石巖盤旋清

溪環繞龍泉自兩峰瀉出有龍泉寺寺中長楊一株傳

是唐鄧公手植山有石洞三深遠莫測

由牽牛山而北迤東曰孤峰山三沙河逕其陰古澁水也朔
流而東曰米薪山曰石梯山曰鬚髻山又東曰武家山曰盤
崖山並與西甯界在水之南其北與天鎮城相直者曰沙梁
曰盤山又東曰秀峰山曰黃花山稍南有危峰高峙於羣山
之外者曰神頭山其西施卽沙河之上源也

水經注敦水又東澁水注之水出東阜下西北流逕故城

北俗謂之和堆城又北合敦水亂流東北注雁門水天鎮縣志

雁門水今南洋河自陽高縣界流入至縣西之孫家店折
而東北敦水今白登河自陽高縣界東流注於洋河澁水今
縣南之沙河也由米薪關來出山西北流卽注所云東阜
者至縣西南十五里之陸沙河入洋河注謂澁水與敦水
亂流今則分注爲古今變遷之異然
以地望核之沙河爲古澁水甚確

大同府志豐稔山東北距天鎮縣治二十里山上一峰

四周土坡亦名孤峰山三沙河東來逕其左北注南洋
河山有風洞土人云時有羽毛自穴中吹出上建風神
廟大風祈禱輒息故又謂之風神山並豐稔之轉音也
山下出泉名風神泉牽牛山之少東曰平頂山東北距
縣治六十里又東曰鬚髻山北距縣治五十五里小盤
道山北距縣治五十里南接直隸西南縣界南距西甯縣治二十
里又曰盤崖山兩山對峙道狹而屈曲如羊腸經十八折而後
下其西北曰石梯梁又北曰米耕山北距縣治二十五
里盤道之東曰五家山一作武家西北距縣治六十里
天鎮縣志米耕關之北爲沙梁坡在縣南十里與縣城
直又東爲盤山舊名盆山亦曰晚霞山在縣東南八里
石嶽參差名石蓮峰大石峭立百丈有奇中通一罅泉

瀉洞底東有石坪土人傳三仙奕此巖畔有古松一株
云隋唐時物又東爲秀峰山在縣東南十五里上有天
甯寺其南曰上陰山曰下陰山去縣三十里舊志山上
神廟有天
落石順治八年上下兩山界有赤光
從天入地以爲奇寶改觀乃碧石也
循陰山而東北爲
黃花山距縣三十里南爲磨石山距縣四十里又東至摩天嶺與

神頭山接

神頭山一名筆峰陽門之正峰也其南麓古託台谷也谷水
東流入懷安界其北麓曰蕭牆山古葦壁也神泉水出焉北
流入南洋河蕭牆之西曰玉泉山其北曰枳兒嶺東界懷安
爲宣大孔道迤西岡陵起伏盡洋河之南岸曰福祿山與北
山對峙卽陽門也直縣城右

水經注雁門水又東北入陽門山謂之陽門水與神泉水

合水出葦壁北水有靈焉及其密雲不雨陽旱愆期多禱
請焉水有二流世謂之比連泉一水東北逕一故城東世
謂之石虎城而東流注陽門水又東逕三會亭北又東逕
西伺道城北又東託台谷水注之水上承神泉於葦壁北
東逕陽門山南託台谷謂之託台水東逕三會城南又東
逕託台亭北又東北逕馬頭亭北東北注雁門水天鎮縣志陽門
爲今縣東山及東南諸山之統名葦壁其東南之一峰當
卽筆峰山張家河源出山北黑龍背合麻黃水北流入洋
河似卽神泉託台谷水今懷安之水溝口河源出筆峰之
陽姜家前後屯注所云石虎城三會亭三會城託台亭並
當在縣界其西伺道城
馬頭亭在懷安境矣

大同府志神頭山在蕭牆山之南西北距縣治五十里
一名筆峰山龍蟠虎踞高插雲霄東南直接懷安縣界
上有呂仙洞最幽邃由旁躋陟巔可望雁門一名小天

門其麓南北兩源夾流與陽門水合山走東北大盡處
至會河堡之西爲陽門鎮金時改置陽門縣皆以山得
名玉泉山西北距縣治三十五里高十丈許瀑布三中
瀑尤勝少東卽蕭牆山山脊名黑龍背下有黑龍泉西
距縣治四十里

天鎮縣志陽門山在縣東其北麓南洋河所經流也當
河口有福祿山亦曰伏鹿去縣城八里又東爲蘭陵溝
又東至枳兒嶺雲東孔道也界懷安縣府志嶺西距縣治三十里中立石界土分二色乃燕雲門戶要塞

右白登山以東諸山在大同及陽高天鎮南境者
紇干山亦曰紇真山西與方山夾御河而並峙其南曰採掠
山卽白登之北山也其北連遼外諸山而進東曰清涼嶺古

雁門山雁門水出焉卽西洋河也在陽高界

水經注如渾水又東南流逕永固縣右合羊水水出平城縣之西苑外武州塞北出東轉逕燕昌城南又東注於如渾水亂流逕方山南嶺上有文明太皇太后陵陵之東北有高祖陵二陵之南有永固堂又南至靈泉池又南逕北宮下又南分爲二水一水西出南屈入北苑中一水南逕白登山西案如渾水今名玉河卽御河也羊水今卷子河自拒新口流入至得勝堡南入御河注謂源出武州塞蓋左雲以北之朔陀山古通謂之武州塞也惟水道有變遷耳又雁門水注云山海經曰雁門之水出於雁門之山雁出其門在高柳北高柳在代中其山重巒疊嶺覆舉雲高連山隱隱東出遶塞其水東南流逕高柳城北舊代郡治秦始皇二十三年虜趙王遷以國爲郡城在平城東南六七十里於代爲西北也

案以下文所言水道證之當是今陽高縣云在平城東南
誤注又有昔率招斬韓忠於此語則更因遼塞一語牽涉
誤為遼西雁門水又東南流屈逕一故城背山面澤北俗
謂之叱嶺城又東南流屈而東北積而為潭其陂斜長不
方東西可二十餘里廣十五里蒹葭聚生焉敦水注之天
縣志縣與陽高同川魏書所謂高柳川也以縣注河道核
之雁門水出山東南逕高柳故城北與今洋河北過陽高
城相符其叱嶺城背山相距當不遠所積之潭斜長二十
餘里當跨兩縣境其後潭漸涇河愈徙而南而澁水與敦
水遂隔絕不能復合其地勢方向則皆合也

太平御覽冀州圖經曰紇真山在城東北登之望桑乾代
郡數百里內宛然又郡國志云望之數百里內夏恆積雪
故彼人語曰紇真山頭凍死雀何不飛去生處樂又有神
泉人歌曰紇真山頭有神井入地千尺絕骨冷是山北十
里有白登山案謂白登在山北誤

寰宇記採掠山後魏孝文帝掠地之所

大同府志採掠山西南距府治四十里東連陽高之雲
門山西南連小白登山明代藩諸墓在焉案採掠之名
見於金史地理志北魏嘗謂之石會山明元帝大閱東
郊講武以山陽侯奚斤元城侯元屈行左右丞相大獨
於石會山是也清涼嶺在陽高北少西東北距豐鎮廳
治百三十里其巔爲神谷有風洞遙不可測守口河導
源其麓卽古雁門水也水經注雁門之水出於雁門之
山在高柳北以地望考之卽雲門以東諸山與句注之
雁門別

南洋河之西爲虎山有陽和口迤南至於縣城之右者曰斷
頭山曰雕窠崖其西爲龍混山與少咸連皆採掠之支也河

之東曰雲門山皆古高柳塞及出青陂道也連峰而東入天鎮界

漢書本紀景帝中三年中尉魏不害屯高柳塞

後漢書列傳建武二十一年伏波將軍馬援將三千騎出高柳行視鄯塞

遼史地理志長青縣有青陂梁元帝橫吹曲朝駿青陂暮上白登

大同府志虎兒山東南距陽高縣治二十里其東有猴兒山守口河自兩山間出名開山口金史謂之墨谷山崇慶元年元帥左都監與屯襲救西京至墨谷口一軍盡殫卽此迤北爲攪風崖卽古高柳塞開山口之南少西曰斷頭山東南距縣治十里明洪武五年指揮章存

道從征陽和遇兵於此力戰死兩鎮三關志云山在邊外未核雕窩崖東北距縣十五里山半有石盆其津澆而匯焉挹之不竭迤南峰巒突兀下建青龍觀觀前懸石如屋巔有石洞援鐵絙而上西峰尤高名樞密寨以在縣治西故謂之西巖龍混山一名偏梁寨東距縣治五十里山勢嵯峨石壁峭立上有石佛洞亦援鐵索而登雲門山東距縣治十里延袤數十里亦名翠屏山卽古之青陂山唐地理志雲州有青陂道爲出兵路遼之長青縣以之得名其東爲鐵裏門門東西爲大小鶻鶻峪曰明嘉靖間王邦直率義兵出塞抵鶻鶻峪卽其處也

環翠山在天鎮北雁門之東支也迤東曰臥鷹山又北曰二

耶山亦名樺嶺嶺之東曰大梁山其南麓南洋河所逕也其北麓曰駝山曰銀山西洋河所逕卽古延鄉水也東流出境爲縣北川曰常勝山南連樺嶺有馬市口西與豐鎮廳界曰雙山在河外東與懷安界自方山以北西起得勝口東連馬市口並沿邊牆而北與豐鎮廳分山

水經注延鄉水出縣西山東逕延陵縣故城北地理風俗記曰當城西北有延陵鄉故縣也俗指爲琦城又東逕羅亭又東逕馬城南又東注脩水天鎮縣志今西洋河自豐鎮界流入遼馬市口北又東逕新平堡北又東入懷安縣東陽河堡過柴溝堡與南洋河並注東洋河卽脩水也馬城故縣富在柴溝堡北延陵今新平堡羅亭今平遠堡皆縣境

大同府志環翠山南距天鎮縣治二十里西連雲門山東北連直隸萬全縣之幃臺嶺

縣志東界懷安之李信屯東北界柴溝堡去維

百里約繇互五十餘里白羊榆林諸口胥在南麓其巔

名席麻山當是蓐麻之謠

元史合納散駐軍蓐麻嶺今名洗馬林在萬全境內志

云以產蓐麻草名非所詳也山腰有洞清泉活活四時不竭峰巒獨聳爲城西北之屏障北五里爲臥馬山又北爲二郎山南距縣治三十五里高二十里雲霞山山之半中建三聖祠少西曰樺嶺多產樺其下甘泉一泓不涸不盈每雲起則必雨南邊口水自邊外來逕其北流入西洋河大梁山西南距縣治四十里懸崖峭壁高數百丈險埒雁門行人循山麓螺旋蟻附而上其北石塘河逕焉有清涼寺雲煙萬壑蔚蔚邊城勝境也西洋河之北曰雙山西南距縣治六十三里北界新平堡邊牆外兩峰對峙巒嶂重疊三春積雪不消金史撫州柔

遼縣有雙山世宗大定二十七年秋獵次雙山于此其是矣

天鎮縣志駝山延鄉水所經也在新平堡西南又東有銀山有桃源洞在平遠堡北入山行十里夾道桃杏成林溪流如帶山半有古洞土人就洞鑿石開渠峰回林簇水聲涓涓亦勝境也長勝山在縣北五十里有堡久廢近復墾植成聚馬市口在縣北六十里新平堡西北明嘉靖中開市大同始此兵部郎中楊繼盛疏爭者也

府志府邊界東自直隸懷安縣李信屯起至天鎮西界一百八里又至陽高西界六十七里又二十五里至大同得勝堡又西七十二里接左雲縣拒門堡

右白登山以北沿邊諸山在大同及陽高天鎮北境者

大青山亦曰大斤山又稱秦山卽陰山也在歸化城北三十里山脈循河源而來橫連大漠東入遼海古稱爲北幹者實則葱嶺北支迤入漠北山乃中幹中之北幹也其在山西邊外者自河套而北統名陰山經烏喇特旗界凡五百餘里而入境自包頭鎮而東統名大青山連及明安喀爾喀兩旗及察哈爾牧場界亦五百餘里而出境黃河循山而行入境百里折而南流山則連峰東徂莫知紀極其近歸化城者準於古爲白道特一隅耳而自城以東則支分條布盤回於大朔邊界遂爲全晉諸山之祖入河巨水北爲金河南爲紫河而金河唐代嘗舉以名縣奄有代北今次其在薩拉齊廳界者

爲黃河北山在歸化城界者爲金河北山在托克托和林格爾二廳界者爲金河南山在清水河廳界者爲黃河東山在甯遠豐鎮二廳界者爲金河源東諸山金河者黑水黃水之通稱古荒干白渠二水也

史記匈奴傳趙武靈王築長城自代並陰山下至高關爲塞蒙恬傳秦已并天下築長城起臨洮至遼東延袤萬餘里於是渡河據陽山

漢志定襄郡武進縣白渠水出塞外西至沙陵入河武舉縣荒干水出塞外西至沙陵入河

水經注河水自臨河縣東徑陽山南漢書注曰陽山在河北指此山也南屈逕河目縣在北假中地名也自高關以東次山帶河陽山以往皆北假也北河又南合南河南河

上承西河逕流二百許里又南逕馬陰山西漢書音義曰
陽山在河北陰山在河南謂是山也而卽實不在河南史
記音義曰五原安陽縣北有馬陰山今山在縣北言陰山
在河南又傳疑之非也余按南河北河及安陽縣以南悉
沙阜耳無他異山

隋書趙仲卿傳從高潁指白道突厥悉衆而至會高潁大
兵合擊之乃敗走追度白道踰秦山七百里史萬歲傳開
皇末突厥達頭犯塞萬歲出馬邑道至大斤山相遇達頭
引去萬歲馳追百餘里乃及大破之逐北入磧數百里
元和志振武軍金河縣漢成樂縣唐武德四年於此立都
督府遂立此縣北有金河以爲邑稱

方輿紀要青山在大同府西北塞外唐貞觀十五年李世

勦擊薛延陀踰白道追及之於青山卽此又云陰山在中
受降城黃河逕三受降城南者漢人謂之北河河之外陰
山橫亘中外大限常以此分九邊攻自陰山而北皆大磧
磧東西數千里南北亦數千里

水道提綱黃河至甯夏府橫城堡東北出邊爲河套鄂爾

多斯兩翼六旗地經左翼後旗北烏喇特旗南直行五百

里原注古五原郡及三受降城地今惟北岸有巴爾采罕
城址在二几岡嶺之東陰山相接不斷自此蜿蜒而東

至歸化城至大圖爾根河入河之處轉東南流大圖爾根河卽

黑河自東北合諸水來注之原注東岸爲歸化城西南境
距河二百六十里西岸爲左

翼後旗古勝州地黑河
卽金河其北爲白道過古東勝州境稍折而東而南遂

南流入平魯縣邊界

聖武記武事餘記說禹貢山川者有三條四列之說而唐

僧一行河山兩戒尤爲後人所祖其言曰北戒自三危積石負終南地絡之陰東及太華踰河並雷首底柱太行北抵常山之右乃東循塞垣至濊貊朝鮮是爲北紀以限戎狄此但據禹貢九州言之故以中幹爲北幹其實昆侖大幹北包朔漠瀚海之外前代度漠之軍所至如狼居胥山竄顔山浚稽山涿邪山燕然山皆北幹山名距代郡定襄朔方二三千里今並不得其遺

本朝臣服漠北蒙古凡阿爾泰山杭愛山興安嶺盡隸版圖於是一統志始詳北幹之枝脈云云夫北幹阿爾泰山之脈正從天山而來由伊犁博羅塔河之西繞額爾齊斯河宰桑泊之東北而起阿爾泰山是蔥嶺者天山之太祖天山者北幹之少祖天山以阿爾泰爲正幹而其東趨哈密

者特其分幹分幹短而正幹長故北幹興安大嶺盡於東
海視哈密分幹多行七千里其孰正孰輔判然徑庭矣哈
密餘支東北盡於安西州之布隆吉河河北爲天山支麓
河南爲祁連山正幹玉門關嘉峪關皆建於此正扼二幹
之交合而祁連山脈則上起于闐中經青海下爲賀蘭陰
山與天山之脈不相屬故自僧一行以來皆以三危積石
爲塞垣北戒之祖不言祖於天山蓋葱嶺河源經回部匯
於蒲昌海卽羅布泊在天山之南于闐山之北故回疆三面皆
山惟以東隅爲泄水之口則自蒲昌海東至玉關砂磧千
餘里又自玉關東至遼西瀚海六千餘里卽北幹中幹天
然之大界也使水行沙磧不滲不滯則蒲昌海之水必經
龍堆出玉關挾布隆吉河居延澤之水來會克魯倫河黑

龍江入海矣無如沙漠旱海水小卽滲水大卽滯窮荒枯
磧生氣不鍾於是潛源重發於青海之上遂以北幹之界
水溢出中幹是爲一變河入中幹以後仍隨中幹左枝山
脈北流出甘州出塞繞河套以賀蘭陰山障其北連峰疊
嶂逼之入塞至雍冀間而中幹左右兩枝交會界水愈狹
不足受河於是懷山襄陵或東決平陽或西泛關中尸子
言古者呂梁未鑿河出孟門之上故禹不得不闢龍門析
底柱以納之使河槽歸一是前則伏出於中幹之底繼則
顯冒乎中幹之脊是爲再變使循北幹界水之常不入中
幹則大漠沙塞皆水草饒沃之土人物繁庶而生氣何由
獨鍾中原乎天地之氣聖不能違乃漢武帝時齊人延年
上書請徙河塞外北注胡地不入中國試問徙於旣入中

幹以後乎則必使從朔方冒陰山大脊而過也徙於未入
中幹以前乎則必使蒲昌海水穿龍堆千里之沙再絕瀚
海六千里之漠不滲不緒而東也不察天地之氣不明水
土之性不考支幹之形勢尙足語疏導辨方略乎至謂兩
幹合於大興安嶺尤爲謬說夫內興安嶺與外興安嶺一
在黑龍江之南一在黑龍江之北名雖同而畫然二幹祖
雖同出葱嶺而分幹皆在萬里以上一則由三危積石總
套外爲賀蘭山陰山經歸化城宣府至獨石口外之多倫
泊而起內興安嶺互內外蒙古各部而爲遼東之長白以
盡於朝鮮一則由漠外之阿爾泰山杭愛山起肯特嶺爲
外興安嶺包喀爾喀各部蒙古以盡於鄂羅斯豈可因其
同名誣爲一幹歟祖禰之宗支渾華夷之界限乎若夫子

關中幹復分數支其在黃河北大漠南者爲中幹之北幹
在黃河南漢水北者爲中幹之中幹漢水南江水北者爲
中幹之南幹此則九能之士類能道之不更僕焉

兩漢邊郡考略

徐繼畲著

一統志陰山俗名大青山西自河套

北烏拉特西境東至歸化城東西綿亙五百餘里蒙古土
名隨地而異皆古所謂陰山也其實陰山橫障漠南起賀
蘭山蜿蜒而北爲古之狼居胥山又迤邐起伏而東北直
至遼東廣甯邊外皆岡阜接連峰巒疊起中外土名以數
千百計自套北至遼蓋三四千里漢書匈奴傳侯應言陰
山千餘里蓋約略言爾又一統志言陽山在陰山西河套
正北與陰山接連以東西異名耳在烏喇特西北二百四
十里陽山之前卽秦之北假秦時蒙恬度河據陽山取其

地名爲北假北假者以地假於貧民使墾種也其西卽高
闕塞于按後漢書郡國志注徐廣曰陰山在河南陽山在
河北其曰陽山在河北是也至云陰山在河南殊不可解
河南卽今河套套內之山據一統志有二十餘然大勢多
平土其山皆部婁岡阜絕無高大之名山陰山爲朔漠障
蔽橫亙三四千里卽所謂內興安嶺套內一片土將何地
以容之考前漢西河郡有陰山縣其地大約在河套徐廣
或本此以立說然西河郡之陰山自當是套內同名之小
山豈可以區區者當朔漠數千里之陰山耶

舊通志大青山東接察罕兒界案卽察哈爾今爲八旗牧場而西直
抵硯兒都司以黃河爲界案卽鄂爾多斯蒙古此依明史舊文山之西與烏喇特界
不連北有數口胥連大漠高十餘仞袤二百餘里廣百

餘里中產松柏望之蒼翠似屏漢書五原郡西安陽北
有陰山括地志陰山北戎地在朔州北塞外匈奴阻其
中漢武克之置陰山縣案西安陽屬五原郡今烏刺特
達縣地所云陰山乃縣南之橫山也與河外之山相去
將及千里此以漢郎中侯應語依託括地志而謬爲之
說又云歸化城在遼金元豐州之域其西有陰山陽山
大青山北通瀚海南臨黃河秦使蒙恬北擊胡度河取
高闕遼陽山北假後漢五原郡西安陽北有陰山武帝
克匈奴置陰山縣徐廣謂陰山在河南陽山在河北水
經注鍾山卽陰山又曰陽山卽陰山元延祐脩道碑又
謂大青山卽天山卽祁連山明一統志大青山卽陰山
是諸山名雖異而實同也按石磧山之西爲陰山山東
南爲東受降城陰山之西爲陽山更西爲大青山山東

南爲中受降城西南爲西受降城城西越長甯河阿保
之南卽賀蘭山也至甘州爲漢張掖郡窮石之東爲焉
支山肅州爲漢酒泉郡高臺之南爲祁連山此皆在嘉
峪以東至於伊州之北爲天山其西爲柳陳城更西爲
高昌卽明火州爲漢車師唐交河蒲類兩縣地是天山
與祁連已東西判然矣金時以邊外稱天爲祁連置淨
州天山縣遂名大青爲祁連而元亦因之宜覈水經注
山在中國之極北故名陰山水北曰陽山在河水之北
故亦謂之陽山以此正徐廣陰山在河南一語之誤誠
是矣然河自明季三部落之西北轉逕大青山之陰其
南有馬陰山以東卽周朔方漢朔方郡及明河套故地
水經注所云河水又南逕馬陰山西是也徐廣之所謂

陰山在河南庸或指此山乎宜覈

歸綏識略歸化城西界至泊頭鎮

俗作包頭

三百四十里與

烏拉特三公接壤北界烏蘭察布源泉托蘇圖山克壽

山二百六十餘里與四子部落達爾漢

即喀爾喀

茂明安旗

接壤大青山游牧地乾隆二十八年道光十二年兩次

經大臣履勘奏明與各札薩克分定界址西界自白衡

郭爾山

紫地圖作拜蘇古爾山

至克壽山止

紫圖有克楚站

與茂明安爲

界北界自克壽山起至托蘇圖山止適中爲哈達瑪爾

河源山後爲達爾漢山前爲土默特東界自托蘇圖山

起至烏蘭察布源泉止與四子部落爲界並於沿界一

帶奏設堆記又云元延祐間脩道碑以大青山爲祁連

山考祁連山在陝甘涼州以天山得名距此甚遠惟括

地志有連山史記正義曰地理志朔方臨戎縣北有連山或亦此山之分支至通志輯要謂大青山在城西南二百五里蒙古名庫庫合邵訪之居民無一知者所云翁公山在城北三十五里西至河套之北起烏喇特西境東至歸化城東北層巒峻嶺縣互五百餘里上有元時建甸城廢址其卽此山無疑曰公翁者通山後瓦剌等處有吳公壩口或卽其轉音之訛順氏方輿紀要大同府西北塞外有青山明嘉靖時中國叛人逃出邊者升板築牆蓋屋以居乃呼爲板升有衆十餘萬南至邊牆北至青山東至威甯海西至黃河岸一望平川各部長分統之所謂青山亦卽此大青山也明史嘉靖三十五年俺答老弱避暑大青山外此大青二字入史傳之

始當爲我

朝龍興之讖云又云黑山見魏書神麤二年車駕東至黑
山數軍實通志謂卽殺虎山又謂在此古豐州境與雲
內州夾山相連府志有大青山疑卽古陰山黑山之說
蓋亦古陰山之隨地而異名者也北人青黑二字往往
通用如青冢土黑問者以冢草獨青釋之陰山迤西望
之黝然而黑因先有黑山之名而後名青山又名大青
山其實仍一山耳

謹案歸綏四應建置自乾隆間一統志從略

內府輿圖未標應治道光初陽湖董氏摹刻之圖始增
入近年湖北上海諸刻輟轉相沿而自清水河廳外
無一不誤如薩拉齊在歸化城西二百四十里南值

黃河曲流處而誤以城西七十里之畢齊克齊當之

托克托在歸化城西南一百十里西去黃河五六十里

而誤以黃水河側之和林格爾當之其和林格爾廳

舊名二十家子者今俗猶沿此稱蒙古語二在歸化

城南一百二十里朔平府西北一百四十里而既誤

爲托克托乃以殺虎口迤西之舊玉林城當之皆隨

意位置遂致歸綏疆域有河東岸而無北岸蹙地幾

二百里至其山川以大青山黑河爲綱兼稽蒙古漢

語期爲明瞭而如翁家山又書爲翁家山哈拉克沁山又書爲

喇克鄂什希山又書爲鄂什喜錫拉德布色克山名皆再見

候東候西候南候北又何從別其爲太宗爲旁支乎

惟錫拉山在西者改爲西拉似舉以概北山而斯則譯以漢語猶言黃河子也與大清之名不合

有意求詳反增歧戔獨所繪河道以水經注核之十符八九棄短從長終勝方志之簡略無徵傳會失實故據以立說考古證今歸於一是其蒙古語譯其可知者疑則從闕山河本難親歷城邑舊無專書舍圖以求雖內地不免茫然况鑿空於塞外乎哉

其在河套北者西起石門水之左曰牛頭朝那山在薩拉齊廳西北九十里烏拉特茂明安兩部界俗名集蘭陀羅海也其南爲五當谷有夾山有紇那山谷道修阻東出達水洞溝門卽蘇爾哲谷其水南徑廳治入河西出達榆樹溝有博托河其水西徑伯頭鎮入河有漠惠坡有鄂博口古稱陽道也爲中外衝途

漢書地理志五原郡朔陽縣北出石門障得光祿城又西

北得支就城又西北得頭曼城又西北得庫河城又西北

得宿虜城

案諸城並在烏拉特旗界蒙古游牧記烏拉特部在歸化城西三百六十里

水經注河水又東流石門水南注之水北出石門山地理

志曰北出石門障卽此山也西北趣光祿城城東北卽懷

朔鎮也其水自障東南流逕臨沃縣城東之南注於河案

昆都倫河在包頭河水又東逕稠陽縣故城南王莽之固

陰也地理志曰縣北出石門障河水決其西南隅又東南

枝津注焉水上承大河於臨沃縣東流七十里北溉田南

北二十里注於河案水經注稠陽城有二一在九原縣西

下云東部都尉治稠陽此城亦謂之稠河水又東逕塞泉

城南而東注案常在今薩拉齊廳大河又東逕咸陽縣故

城南王莽之賁武也何水屈而流白渠水注之案地理志

雲中郡有

咸陽縣故城當
在今廳治之東

元和志金河泊在勝州榆林縣東北二十里雲中故城在
縣東北四十里東受降城本漢雲中郡地在縣東北八里
案勝州治榆林縣在河套內寰宇記州正北至河五里東
北至河十里西北至河二十里唐書地理志東受降城實
厯元年徙治綏遠澤買款方域道里云古雲中城西五十
里有綏遠城案諸說皆相符金河泊即水經注之沙陵閭
也別詳下

金史地理志雲內州柔服縣有夾山在城北六十里案遼
史天
祚帝出夾山下舊
陽嶺二山蓋相近

明一統志金河在雲內州東南一百五十里案此則州治
在今薩拉齊廳西境之薩爾沁村
夾山為廳西北五當溝諸山矣

方輿紀要跋那山通典勝州西北百二十里有紇那山即
跋那山矣案魏書長孫肥追斬柔然易多汗於跋那山在
上郡顯氏以為一山似誤今薩拉齊南距古勝

州約六十里則山亦即廳西
北五十里之布當圖山矣

蒙古游牧記烏拉特部東九十里有牛頭朝那山蒙古名

吉蘭陀羅海

茂明安西南至吉蘭陀羅海八十五里案
吉蘭圖作集蘭唐書張仁愿傳河外築三受

降城拓地三百餘里於牛頭朝那山之北置又旗東南六
烽墩一千八百所自是突厥不得度山放牧

十里有漠惠圖坡

通志輯要豐州灘城西一百二十里蒙古名伊克蘇爾

哲源出蘇爾哲谷東南流入黑河

案蘇爾哲谷在薩拉齊廳北十五里所謂

水潤溝門者其水南入黃河此名伊克蘇爾哲蒙古謂
大為伊克當別是一地今廳東界之察蘇爾河距歸化城
正一百二十里輒要又以豐州灘為歸綏一帶之統名
是也國說廳山第十一處惟廳北之水潤溝門及包頭

池北輪樹溝
可通車騎

歸綏識略五達谷在歸化城西二百五十里又云廣覺
寺在薩拉齊西烏喇特東公旗界五當溝內距城三百

四十里又云後魏泰常四年田於懷渚李延壽曰懷渚
在柞山之西方與紀要山在大同塞外四百餘里今烏
喇特境內有山產松樹極多即名烏喇山亦曰西山當
即其地旁水渚數處不知孰為懷渚以田獵言惟五當
溝似之案五當溝即布魯圖山其水為布魯河亦書作
里者並是一地蕃語對音無定字其里數之參差則溝
道北通藩部入溝五十里為卡倫又四里為廣覺寺
也惟圖山產白杉謂即柞山殊附會據魏書西巡獵
於柞山云云當在善無川西為今清水河廳山矣
宿嵐山在廳北七十里迤東曰拜霖古兒山又南曰錫拉德
布色克山皆陰山大青山之異名或云太白山又或以為斷
頭山也大河至此為山麓所障漸折而南流為過套入塞之
始踰山岡而東為察蘇水古塞水也與歸化城界當河之曲
為金河泊即沙陵湖也與托克托廳界

天下郡國利病書東勝州即古東受降城所在其地今有

斯頭山地最肥腴且宜馬疑史所云牛頭朝那山也案九邊圖

斯頭山在神水湖北湖即金河拍也則山距牛頭朝那山百餘里矣

蒙古游牧記烏拉特部東百十里有宿鬼山蒙古名扎拉

一統志按遼史西夏傳冠後垂紅纓自號鬼名以鬼為纓

蓋本諸此歸綏議略普會寺在城北山後沙拉木場距城一百五十里似是一地

通志輯要大青山蒙古名庫庫合邵在城西南二百五

里案蒙古語庫庫青也合邵本作和碩山岡盡處也似即朔平府志所云黃河自西北山嘴折而東南者亦

即乾隆圖之西拉德布色太白山城西二百里蒙古名

克山惟里數不甚符也插漢本作察罕蒙古語白也拜森古兒山亦作白街郭

陰山也又輯要西界詳前歸綏識略洪戈爾蒙古語

古名插漢俄博似即包頭鎮之郭博口而里數不符

謹案廳北諸山自夾山外於古彪徵舊通志所云天

德山牟那山皆遠在其西三四百里

元和志天德軍東至牟那山

耳旁三十里東南至中受降城二百里方與紀要所紀

里山中受降城至東受降城三百里西北塞如郁對原諾真水皆鄰大漠石子嶺黑沙磧

橫水柵當在柯套

並見唐志賈耽方域道里所言金

二百七十里至吉雲中城與今惟依圖類大舉其可名

今包頭鎮之鄂博口相近者不復博引以省辨駁

右黃河北山在薩拉齊廳境者

察蘇河之東爲白道川有白道嶺在歸化城北三十里俗名吳公嶺其北連喀爾喀部者曰神山卽翁衮山也其西爲白道中漢俗名克魯庫谷皆北出之衝也有何田貴山有牛心山石綠山而迤北抵克壽山與茂明安部界沿塞水而南與薩拉齊界並爲古廣德殿之西山

水經注芒干水

案漢書地理志作荒干

出塞外南逕鍾山山即陰山

也

案鍾山見山海經西山經郝氏箋疏云鍾山即雁門之神名曰燭龍淮南子燭龍在雁門北是知鍾山即雁門以

北大山也穆天子傳作春山云天子北升此山以望四野是惟天下之高山也郭注山海經春字作鍾音同耳又北

山經作邊春之山

其水又西南逕武泉縣王莽之永武也又南逕

原陽縣故城西

方輿紀要趙武靈王破原陽以爲縣屬雲中郡

又西南與

武泉水合其水東出武泉縣之故城西南又西逕北與縣

故城南案地理志五原有南與縣故此加北舊中部都尉

治其水又西南入芒干水

案今小黑河施經歸化城南十里又西南三十里至紅津入大

黑河舊宇記云北與城在雲中北五十里雲中城在托克

托廳之東距紅津尚及百里不合也今本誤北與爲北學

蓋不芒干水又西南逕白道谷口有城在右繫帶長城背

山面澤謂之白道城自城北出有高阪謂之白道嶺沿路

惟土穴出泉挹之不窮余每讀琴操見琴慎相和雅歌錄

云飲馬長城窟及其跋涉斯途追懷往事始知信矣顧瞻
左右山椒之上有垣若頽基焉沿溪互嶺東西無極疑趙
武靈王之所築也芒干水又西南逕雲中城北白道中溪
水注之水發源武川北塞中其水南流逕武川鎮城城以
景明中築以禦北狄矣其水西南流歷谷逕魏帝行宮東
世謂之阿計頭殿寰宇記都田貴山郡國志云後魏行宮
在此俗曰何頭殿也案其文詭阿爲何
又脫其水又西南歷中溪出山西南流於雲中城北南注
芒干水案此水出山爲克魯庫多羅四二河過畢齊克齊
巡檢司西南流入黑河克魯庫草木盛茂之謂多
羅圖此芒干水又西塞水出懷朔鎮東北芒中南流逕廣
德殿西山下余以太和十八年從高祖北巡屆於陰山之
講武臺臺之東有高祖講武碑碑文是中書郎高聰之辭
也自臺西出南上山山無樹木惟童阜耳案當卽今郭寶
奇山梵語青魯

頂也一作敖什喜又即廣德殿所在也其時帝幸龍荒遊

駕朔北南秦王仇池楊難當捨蕃委誠重譯拜闕陛見之

所也故殿以廣德為名太平真君三年刻石樹碑勒宣時

事司徒東郡公崔浩之辭也其水歷名南出山西南入芒

干水芒干水又西南注沙陵湖湖水西南入于河

元和志鄯陽嶺在金河縣北一百四十里秦長城枕之漢

書謂高祖困於平城即鄯陽嶺也案語有脫誤蓋緣朔州

又案金河縣即前漢定襄郡治之威

數字記陰山道案冀州圖云雲中周圍十六里案雲中下

北去陰山八十里南去通漠長城百里案此長城當即隋

谷者今大朔邊界以北古長城也通漠即白道川也南北

遠處三百里近處百里東西五百里至良沃沙土而黑省

功多稜每至七月乃熟白道川當原陽鎮北欲至山上當
路有千餘步土白如石色遙去百里即見之即是陰山路
也從此以西及紫河以東當陰山北者惟此道通方軌自
外道皆小而失次者多紫地在陰山之屬若石漠則在山
北魏書所云白漠黑漠者亦謂之
大磧磧口去東
受降城七百里

朔平府志神山在歸化城北四十里吳公壩在城西北
三十里大青山磧朱翁袞蒙古語神也語轉為翁翁志
述書為蜈蚣歸綏志略省為吳公茲
從之

通志輯要石綠山在城西七十里蒙古名哈爾金和邵
出石綠方輿紀要山
在平地縣北牛心山在城西北一百一十里蒙
古名顏朱爾克

歸綏識略黑勒庫谷在城西七十里谷內盡松柏歸綏

西界自白衛郭爾山起至克壽山止與茂明安爲界

案黑

勒庫圖作克魯庫克壽山在城西北二百五十里圖作克楚理藩院則例作克抽封堆

歸綏東北之山曰紅山曰黑山土人隨地沿稱其著者爲諸部會盟之烏蘭察布山小黑河所源之哈喇克沁山曰官山則金河之源古鍾山也官山之北爲山後西起托蘇圖山歷尉嶺與喀爾喀部界東抵富峪口與四子部落界其南爲山前東與察爾罕牧場連而南由城東界之寶山榆溝入甯遠廳境爲金河以南以東之山

魏書天興六年七月北巡東北踰尉嶺出參合代谷

遼史地理志豐州有大鹽澤九十九泉沒越澤古磧口青

冢案隋唐豐州在河套內故勝州之西遼時爲西夏地乃於雲中別建此州而遼史誤以大同爲古雲中遂取九

原上郡之名加之此州故所敘沿革自振武縣外無一不

謬若山川則確在今歸綏境惟以古磧口爲白道九十九

泉當黑河而白道坂金河紫河並移而南隸之宣德迷離錯互莫可究詰

金史地理志豐州富民縣有黑山神山案神山即翁衮山

明史地理志東勝衛西北有黑河源出舊豐州之官山西

流入雲內州界又東經此入於黃河又有紫河源出舊豐

州西北之黑峪口下流至雲內州界入於黑河案舊豐州在歸化城

東南明史所謂板升者黑山峪蒙古名喀喇克親山猶云癸山也板升當作拜牲瓦屋也雲內州在薩拉齊之西界

非紫河所經蓋沿又西有金河泊上承紫河下流亦入於明一統志而誤者

黃河案袁宇記及明史並以今小黑河為紫河方志所言紫河則今紅河

張鵬翮奉使日記入山溝石峰聳峻澗水繞流又二十里

次葉不孫郭爾地稍平行土人云心肺二山相連有九十

九泉池案元史太宗嘗避暑於此其泉發源官山流為黑

河又行十里許有土城名巴爾蘇台傍有方山峻嶺俯瞰

城下二十里踰嶺入深谷草木叢生羊腸一道五十里出

山入平地過清水河駐昌河兒托諾自此五十五里至歸化城文不備錄案踰

嶺所入之谷今榆溝也巴爾蘇台之城當卽舊志七寶山下有古城相傳爲漢五原郡城者輯要云寶山在歸化城

東八十里以記核之距城一百三十里

蒙古游牧記喀爾喀右翼達爾漢部西南百里接茂明安

界有尉嶺蒙古名毛德爾理藩院則例托速圖山爲達爾漢土默特四子部落三旗交界

山迤北爲達爾漢旗界迤南爲土默特旗界四子部落西南至巴顏鄂博土名

富峪百五里接歸化城土默特界

朔平府志官山在歸化城東百餘里下有九十九泉流

爲黑河東北有烏蘭哈達山及錫拉德色布克山與察哈爾石翼銀藍旗界烏蘭哈達者紅山峰也

七寶山在古豐州境山下有古城

歸綏識略紅螺谷在城東北二十五里蒙古名烏蘭察

布即四子部落會盟所也喀喇克沁谷亦蒙古名在城
東北四十五里即今演放礮位之喀喇沁溝也產材與
紅螺谷同榆溝在城東北九十里蒙古亦名烏里雅蘇
台案蒙古語紅為烏爾黑為哈喇議略以吳公壩口為
古火山甸城路為古車那山紅螺谷為古和究山喀
喇克沁溝為古薄山克魯庫河為古諾與水皆無可證
實其最謬者以小黑河當古白渠水遂致山川倒置城
邑迷離凡水經注所記之名蹟皆無從考而白道為元
魏以來北出之通路史所謂白道川者為今歸綏一帶
之統名乃以和林格爾之白
道梁當之所見亦太窄矣

右金河北山在歸化城境者

金河以南之山由官山循黑河南源而下以抵甯遠之西溝
門古參合陁也陁西為和林格爾廳古定襄郡地有成樂城
在廳北其山東盡黃水之曲曰九峰山西障紅河之曲曰摩
天嶺湖紅河而南直達殺虎口邊有玉林山大松山白道梁

並在應界摩天嶺之西爲托克托應其南曰紅山西盡黃河之東岸古緣胡山也北距陰山百里而遠而南夾紅河與清水應界皆古雲中川也紅河亦曰紫河古中陵川水出邊爲兔毛河黃水者古白渠水也

漢書地理志雲中郡揅陵縣緣胡山在西北

揅陵縣當在薩拉齊東南

境黃河屈南流處山在縣西北實即陰山也水經注以枕河之山當之似誤府州廳縣考已辨之矣附訂

魏書地形志梁城郡參合縣前漢屬代後漢晉罷後復屬

秦水經注參合縣魏因參合陁以卽名燕鳳傳雲中川自與代郡之縣在桑乾河者別爲一地

東山至西河二百里北山至南山百有餘里

水經注白渠水出塞外西逕定襄武進縣故城北

襄字記武進故

城在雲中東一百四十里進說晉

西北逕成樂城北郡國志成樂故周定

襄也魏土地記曰雲中城東八十里有成樂城今雲中治

一名石盧城也

案今和林格爾廳北二十里有土城遺址

又西逕魏雲中宮南

魏土地記曰雲中宮在雲中縣東四十里又西南逕雲中

故城南又西北逕沙陵縣故城南其水西注沙陵湖

案白渠水

家古語錫拉烏蘇卽黃水也自和林格爾東逕廳北之土城又西北至托克托廳東二十里入黑河其故道所逕之

雲中宮雲中城皆不可考今馬黑河入黃河非大遼不通沙陵湖久湮矣以注核之似雲中宮在和林格爾西北五

六十里歸綏界雲中故城在托克托東三十里黃黑二水之間河水南入楨陵縣西北緣

胡山歷沙南縣東北兩山二縣之間而出余以太和中爲

尙書郎從高祖北巡親所逕涉縣在山南王莽之楨陸也

北去雲中城一百二十里縣南六十許里有東西大山

縣南

疑是

山西枕河河水南流脈水尋經殊乖川去之次似非

城南

案經文云河東過楨陵縣南又東過沙南縣北從

關究也

縣東屈南過沙陵縣西所敘失次故道元著此語

駁正

又經云南過赤城又南過定襄桐過縣西注河水於

二縣之間濟有君子之名在雲中城西南二百餘里

案冀州圖

相過縣城在郡西五十里寰宇記君子津在勝州河濱縣

不詳里數其地當在清水河廳界水道提綱謂歸化城西

南一百五十里即古君子津則在今托克托之西南去紅

山口尚六十里注不當次於河入緣胡山之後若清水河

又在中陵水入河之後亦為失次姑以注文核之則緣胡

山在今喇麻灣中陵水今紅河在今岔河口二處相距約

四十里津在其間去雲中故城不及百里去成樂之雲中

城不過百五十里安得有二百餘里之遠乎注二字蓋衍

文河水又東南左合一水水出契吳東山西逕故里南北

俗謂契吳亭其水又西流注於河

案此注誤契吳山在朔方十六國春秋赫連勃勃北遷契吳山而狄曰美哉斯阜臨廣澤而帶清流寰宇記契吳城在朔方縣北一百二十五里也注當在經北過

北地富平縣西之下誤寫河水又南樹頽水注之水出東

於此所云逕故里亦脫文

山西南流右合中陵川水

注詳武州山下

中陵川水自枝律西北

流右合一水於連嶺北水出沃陽縣東北山下

案故城在甯遠和林

格爾二北俗謂之烏伏真山水曰諾升袁河西南流逕沃

廳界

陽縣左合中陵川亂流西南與一水合北俗謂之樹頽水
寰宇記金河水郡國志郡有紫河鎮內有金河水其泥色
紫故云金河濛水秋冬常有暖氣濛然故以爲名在金河
縣東南案勝川下云金河上承紫河及濛水南流入大河
水突厥名魚爲磨勒此水出魚倍美故以指名今
其水其城無可證實或卽烏拉特西北之魚海
明史地理志玉林衛東有玉林山案故城在殺虎
口北三十里

方輿紀要馬營堡邊外有大松樹山又七介山在大同府
境柔然間魏主伐姑賊乘虛深入至七介山京師大駭遣
軍拒卻之於吐頽山族蠡山在朔州北境隋開皇中遣高
穎等分道出朔州伐突厥頽以趙仲卿爲前鋒遇突厥於
族蠡山大破之追至乞伏泊復破之追度白道嶺惡陽嶺
亦在州北唐貞觀四年李靖討突厥自馬邑進屯惡陽嶺

夜襲定襄破之胡氏曰惡陽嶺在定襄古城南善陽嶺在

白道川南

案諸山皆當在和林格爾境

朔平府志九峰山在歸化城東南一百二十里九龍灣

東西石山下有石嘴上有九峰故名摩天樹在城南一

百五十里黑城東

城在托克托東南五十五里

高五里盤踞二十里

紅山在城南一百五十里紅城南東接榆樹梁西抵刺

麻灣有紅山口

又有紅沙口在和林格爾西南四十里

黃河在城西北二

百七十里自西北山嘴折而東南流至脫脫城西

即托克托

廳折而東南三十里至喇嘛灣復折而西南白道梁在

城東南二百三十里府境邊外高三里盤踞十里

疑即唐書

之惡陽嶺遼志德州有白道坂即此非古白道也

胡同壩在城東南二百餘里

高五里盤踞數十里

今西溝門又名石匣子即古參合原也南口在甯遠廳西北九十里

北口在和林格爾東北八十里蒙古語阿巴哈哈拉山
水經注之烏伏真山亦當相近凡黃水河及入紅河之
察哈爾國河弩衡格爾河虎虎烏蘇河多由此發源
山而北有哲爾德河即黑河之南源也出哲爾德摩
山即平頂山南去甯遠西去歸化
城皆百餘里又東北即官山也

謹案和林格爾托克托城之間明宣德中曾置雲內
諸縣故明史謂雲內州在平虜衛西北統志謂夾山
在朔州北三百四十里舊通志並據以證夾山即紅

山摩天嶺諸山而紫河金河皆入雲內州界以遼史

地理志天祚紀證之無一相合九邊輯略云宣德中

設官置戍正統間雲內等處為內徙而豐州雲內等縣

遷於應朔諸處遼史地理志雲內州本中受降城地

有可敦城大同川承濟縣拂雲堆諸地天祚帝紀略

云保大三年三月間金師將出嶺西遂趨白水津金

兵將近帝乘輕騎入夾山三年三月駐蹕於雲內州

南金兵圍輻重於奇家遣兵邀戰於白水津西通雲

肅城十月復渡河東還居突呂不部四年七月謀再

出兵復收燕雲率軍出火山下撫陽嶺取天德東勝
甯邊雲內等州南下武州遇金人戰於奄遏下水復
趨山陰云云其所云天德卽豐州今歸化城及和林
格爾之北境勝州今托克托城及河套內境甯邊州
今清水廳以南武州則偏關以東也是雲內州必在
今薩拉齊之西而遼志既以豐州當五原云天德軍
節度而又別書天德軍云中受降城地與雲內州所
舉山川大半雜採元和志如黑山峪盧城又則入豐
州疆域尤爲失據要其州境實在河套以北去朔州
約五百餘里火山又在其北與黑河以南之山遠不
相涉

方輿紀要所舉朔州以北之山西如魏書之折
敷嶺當在懷朔鎮元魏之朔州非今州也唐書之閭
門山當在受降城大同之舊鎮非大同軍也其族蠶
山及惡陽嶺故當在朔平邊外分別繫之

右金河南山在和林格爾廳及托克托廳南境者
清水河廳之山西限大河北連緣胡山東南與武州塞接古
雲中南境定襄西境而遼金之甯邊州也其地川谷漫衍岡

嶺迴合有連嶺自殺虎口循中陵川水而西抵廳治之北古
長城遺址在焉俗名榆樹梁也迤而南曰吐頽山因樹頽水
而名卽清水河也曰虎山曰柞嶺曰七嶺山曰松山並在廳
東曰小松山曰黑青山曰馬至山曰照壁山曰半箇山皆直
平魯邊牆之西而東南厯偏關之紅門口西達老牛灣爲大
河出套之始

魏書帝紀太祖皇始元年大蒐定襄之虎山因東幸善無

陂

陂在殺虎口
詳武周山

太宗永興三年詔尉古真統兵五千鎮西

境之大洛城五年自雲中太室西南巡諸部落遂南次定

襄大洛城東踰七嶺山田於善無川

一統志漢定襄郡
縣在平魯西北

常六年西巡獵於柞山親射虎獲之遂至於河大獵於嶺

渚世祖始光四年築壇於柞嶺戲馬馳射高宗大安三年

敗於松山四年敗於松山行幸河西列傳太延五年車駕
西伐蠕蠕乘虛犯塞侵及善無七介山京師大駭司徒長
孫道生拒之於吐頽山魏書獻明皇后傳符格之內侍也
來抄掠后乘車避而南中路失轄后仰天而祝輪正不傾
行百餘里至七分山南而免案序紀言昭成避符格兵於
陰山之北為高車寇抄復度漠南至雲中
此雲中即古成樂城似七分山在歸化境
水經注中陵川西南與一水合北俗謂樹頽水水出東山
西南流右合諸升袁水亂流西南注分為二水左水枝分
南出北俗謂之太羅河右水西經故城南北俗謂之昆新
城其水自城西南流注於河方輿紀要奄過下水海潮
及銀海水諸細流合而入黃河朔平府志紅河即口內
毛河至名河口入黃河清源出平晉邊內諸山經大
水七墩二口合邊外諸水西北流至岔河口入黃河未知
即古甯邊河否案遼天祚帝南下武州遇金人戰於奄
過下水當在應東南境疑即魏書所云狼嶺也其水經注
故道則不可考大約遼地之水大則豬為泊小則滲入抄

其分合盈剝
變遷無常也

北史隋大業三年築長城西踰榆林東至紫河四年築長
城自榆林谷而東

遼史地理志甯邊州本唐隆鎮

案寰宇記府州東北至唐龍鎮一百五十里府州今

陝西府谷縣以里數核之舊州當在今清水河廳之南元

史地理志至元二年省甯邊州半入東勝州半入武州

方輿紀要東勝州明初改建東勝左右二衛兵民皆耕牧

河套中洪武二十六年城正統三年邊將周諒言東勝州

廢城西濱黃河東接大同南抵偏關北連大山榆楊等口

中有赤兒山東西坦平二百里其外連互官山若屯軍此

城則大同右衛淨水坪偏頭關水泉堡四處營堡皆在其

內可以不勞戍守非惟可捍蔽太原大同亦所以保障延

案遼金元之東勝州在河東此城建於明初如所言當在紅山岡托克托

安綏德也時不能用

清水河兩廳界之胡坦和碩蒙古語胡坦城也和碩隅也當綠舊城而名鐵山堡邊外有小松樹山威遠衛雲石堡邊外有馬耳山井坪所第三堡邊外有甯邊河照壁山黑石等處皆外境也將軍會堡邊外有黑青山

朔平府志榆樹梁在府境邊外高三里盤踞十里通平魯邊外大榆樹灣小榆樹灣山險峻榆極多半箇山黑青山照壁山俱在平魯邊外

甯武府志紅門市口在偏關縣東北九十里前明通市處也

謹案廳境山川圖志皆略北魏之柝嶺嶺渚今亦不能確指其處魏書又有騎嶺山嶺倪山秦常五年巡行騎嶺山西至五原大安元年改於嶺倪山似車輪山次於車輪夫嶺渚不遠實一山而文誤倒者

山太和五年行武州山遂幸車輪山似皆在廳境又興圖廳東四十里有鄂博圖山

右黃河東山在清水河廳境者

黑河源之東起西溝門達東洋河南沿邊東北歷察哈爾牧場與直隸之張家口廳界者爲甯遠鹽鎮二廳之山其在甯遠者自西溝門而東以大小海分南北小海古鹽澤大海古諸聞澤所謂參合陂也廳之北曰倉盤山曰漫汗山又北臨黑河南源者曰平頂山又北曰廻頭梁古武要之北原也爲黑河正源而東北至伊馬圖山入察哈爾界廳之南沿邊牆而東者曰傅家嶺曰羶帽山曰花子山曰齊頭山曰衛路山曰柳河山皆南直左雲在古武州塞爲雁門郡地其在參合陁口者曰胡都克嶺介二海間者曰猴山而東歷大海灘之

孤山入豐鎮廳界

漢書地理志雁門郡沃陽縣鹽澤在東北疆陰縣諸聞澤
在東北案鹽澤今小海在甯遠廳東北十二里諸聞澤今
代哈泊亦曰大海在廳東百二十里即威甯海子
定襄郡武要縣東部都尉治

魏書帝紀桓帝與晉司馬騰大破劉淵於參合陂西累石
爲亭以記行焉帝胃中蠱歐吐之地仍生榆木參合陂土
無榆樹故世人異之昭成帝什翼犍五年幸參合陂諸部
畢集設壇講武馳射因以爲常三十四年七月七日生太
祖於參合陂明年有榆生於埋胞之次後遂成林案自太
祖後陂爲巡幸常至之地不復備太祖天賜三年幸豺山
微今廳東二十里地猶名榆樹林宮遂至青牛山西登武要北原觀九十九泉造石亭遂之
石漠

水經注中陵水又北分爲二水一水東北流謂之沃水又

東逕沃陽縣故城南北俗謂之可不堽城王莽之敬陽又

東北逕沃陽縣東

案此城爲北魏之縣
地形志屬善無郡

又東合可不堽水

水出東南六十里山下西北流注沃水沃水又東逕參合

縣南魏因參合陁以卽名也北俗謂之倉鶴陁道出其中

亦謂之參合口陁在縣之西北卽燕書所謂太子寶自河

西還師參合三軍奔潰卽是處也魏立縣以隸涼城郡西

去沃陽縣故城二十里縣北十里有都尉城地理志曰沃

陽縣西部都尉治者也北俗謂之阿養城其水又東合一

水水出縣東南六十里山下北俗謂之災豆渾水西北流

注沃水沃水又東北流注鹽池地理志鹽澤在東北者今

鹽池西去沃陽縣故城六十五里池水激渟淵而不流東

西三十里南北二十里池北七里卽涼城郡治池西有舊城俗謂之涼城也郡取名焉地理志曰澤有長丞此城卽長丞所治也城西三里有小阜阜下有泉東南流注池水北俗謂之大谷北堆水亦受目焉案所云池長三十里者蓋志並不能舉其名其所繪圖則自唐以迄宋元之志悉入中陵川與注所云東北流者大相徑庭惟謂應北十餘里山上有古廟二山石立如丰形活水從中流出似卽注所謂涼城西三里小阜者也竊意此地爲道元從孝文北巡時所親歷者故所述詳卽古今陵谷變遷必不至以數十里之經流改爲逆行姑書以俟訪方輿紀要威魯堡邊外有花子山齊頭山甯魯堡邊外有傅家嶺邈崙山拒馬堡邊外有水泉兒離周家嶺內威甯海子等處最衝案威魯堡在左雲西北三十里甯魯堡北二十里拒馬堡在甯魯堡東北五十里鎮羌堡邊外有柳河山海子

甯遠廳志西溝門在廳治西五十里又名石匣子溝長

四十八里石路崎嶇出溝則平地千里豁人心目案水經注

所云參合陁口當在此據魏書慕容寶還至參合陁營

於陂東蟠羊山南水上魏軍追至陂西登山下臨云云

蟠羊山在豐鎮廳境則所云陂者似指大小海而言其

陁口為西趨雲中之路舊志謂陁即左雲縣東馬頭

山口非是胡都克嶺在陁口之北伊瑪山在倉盤山

牛川西北胡都克蒙古語井也伊瑪山羊也

在廳治北三十里漫汗山在廳治北八十里高百餘丈

上有神洞平頂山在廳治北一百五十里山四無所倚

周百餘里望之若場前有黑水河迴頭梁在廳治北二

百餘里有小溪九十九處隆冬之月塞外苦寒而泉水

不冰案水道提綱黑河出嶺藍察哈爾東北七十里海

拉蘇台坡名喀喇烏蘇西北流會東北諸水又西

流受北來之德布色河又西南合東來之哲爾德河折

正西流至歸化城南迴頭梁在廳治極北接察哈爾境

當與海拉蘇台坡相對平頂山在廳治極北接察哈爾境

格爾界之哲爾德謨多山所云黑水為哲爾德河矣蒙

古謂水為烏蘇黑為喀刺榆樹為

海拉樹林為謨多蘇台言有也

百二十里周迴百餘里春夏之交鴻鷺成羣父老云雨

後或見層樓疊翠倒影其中

有納林河錫拉珠爾格河自北來注之納林言細流

珠爾格六數錫拉黃也

將軍梁在廳治南四十餘里上有古墳三

巍然特起

似卽傳家嶺

帽兒山在廳治南百餘里山形層疊

如帽

似卽舊帽山

又有衛路山高數十丈山嶺有泉下流爲

瀑水有孺飲之輒病馬頭山在廳治東南一百二十餘

里

舊通志馬頭山左雲縣東北八十里東連大同西接右玉迤邐入十餘里長城踞其上一名長城嶺形似

馬首雙耳尤肖

猴山在廳治東二十五里山石或蹲或立悉如

猴形孤山在廳東大海灘土城之北

豐鎮廳之山以新城河分東西古如渾水也南流逕廳治東

入遼爲大同之御河其山自河源南出於廳治之右者曰尖

山曰大霸山曰白牙叔山並連甯遠界曰奚望山曰焦山並

連六同邊源之左爲古牛川自川以南皆古代郡地也其山自牛心山分布而下岡陵起伏延百餘里以達於東西洋河之間古于延水延鄉水也曰八棱山曰狼頭山曰平頂山曰桃花嶺曰鄂博山皆北隄於川曰石元山曰五煙圖山曰天花板山皆西直廳治其在廳治之東南者曰蟠羊山又東曰乾柴洞迤陽高邊又東曰慈老壩直天鎮邊又東卽西洋河源也其在牛川之東口者曰黑山又東越東洋河而爲大青山則陰山之別支也爲山西極東北之境

水經注如渾水出涼城旋鴻縣西南五十餘里東流逕故城南北俗謂之獨谷孤城水亦卽名焉東合旋鴻池水水出旋鴻縣東山下水積成池北引魚水出魚溪南流注池池水吐納川流以成巨沼東西二里南北四里北對涼城

之南池池方五十里俗名乞伏袁池雖隔越山阜鳥道不遠西南流逕旋鴻縣南右合如渾水是總二水之名矣如渾水又東南逕永固縣縣以太和中因山堂之目以氏縣也右會羊水水出平城縣之西苑外武州塞北出東轉逕燕昌城南東注於如渾水亂流逕方山南大同府志如渾水大源察哈爾正紅旗遊牧之壺盧海東南逕豐鎮之新城灣謂之新孤河羊水疑卽得勝河山甯遠廳東流入豐鎮得勝口逕孤山村入如渾水案壺盧海在豐鎮北少東一百三十里唐顯慶中曹懷舜擊突厥叛部自壺盧泊帥騎進至黑沙是也乞伏袁泊似卽甯遠廳東大海灘隋開皇中趙仲子唐從高類伐突厥追至乞伏泊破之追度白道嶺是也于延水出塞外柔元鎮西長川城南小山山海經曰梁渠之山無草木多金玉脩水出焉東南流逕且如故城南地理志口中部都尉治于延水出縣北塞外卽脩水也脩水又東南逕馬城縣故城北十三州志曰馬城在高柳東二百

四十里俗謂是水為河頭又東逕零丁城南右合延鄉水
水出縣西山東逕延陵縣故城北大同府志于延水今東
洋河由察哈爾正紅旗
五祿戶灘發源俗謂之二道河東入直隸張家口葛河合
流南至懷安縣柴溝堡西北匯西洋洋河即延鄉水
導源豐鎮縣東北八十里山溝俗名頭道
河東流入天鎮縣之平遠水口入而隸境

大同府志尖山南距廳治三十五里其西北為大壩山
距廳治四十里越兩山而北為五字關廟又北則正紅
旗總管之所治也大壩山之南曰白牙叉山東南距廳
治三十里山之西接甯遠廳界東連石田嶺距廳治二
十里留雲山在廳治西北五里逕東坡阜橫互城北枕
以為險又北曰興王嶺其在得勝口外者曰奚望山新
城得勝二河所逕也北距廳治十六里上有關雞臺唐
乾符中雲中守捉使李克用偕程信等募士萬人次於

此金史地理志大同縣有奚望山今名望城坡舊志云
一名岐王山在大同縣北九十里上有岐王墓誤三台
道山在望城坡西北高坡叢石路經險仄北距廳治八
里許得勝河西來逕之其左近有村名焦山尾明嘉靖
間大同叛卒亡出塞退保焦山疑卽三台道若左雲縣
北之焦山在助馬邊內未出塞也以上諸山俱在新城河之西
河之東北曰牛心山西南距廳治六十里孤峰直上高
五十丈有奇其西北重巖複嶺若拱若揖直跨正紅旗
牧地下掘長塹爲界環山屈曲陟嶺北眺則威甯壺盧
諸海了了可辨大青山委蛇西來雲霧杳冥邈在二百
里外考魏書太祖登國元年自弩山還幸牛川屯于延
水南天賜元年幸青牛山西登武要北原觀於九十九

泉泉在今歸化城東北武襄於漢屬定襄郡亦今朔平
邊疑青牛山卽牛心山而山以北之平川亦古牛川也
牛心山之西少南曰廣收梁西南距廳治五十里又東
曰八棱山曰松柏山俱西南距廳治八十里狼頭山西
南距廳治六十里疑卽古豺山北魏離宮所在也東接
旗干梁又東曰平頂山東西延長十餘里與明暗山接
平頂山之北曰桃花嶺少西曰彩雲嶺俱西南距廳治
百三十里彩雲嶺之西曰玉泉山頂有清泉又北少西
曰察哈奧包山上壘石爲小祠蒙古俗謂之奧包一作
鄂博案察哈當作察罕蒙古語白也西南距廳治百二十里北接正紅
旗界石元山西距廳治五里平野獨秀如擎芝蓋新城
河北來逕其右亦名新城山其左靈泉出焉西南注於

河東十餘里曰東山巖南北橫臥少西曰吉慶梁西距
應治十五里五煙圖山西距應治六十里東有豐收嶺
西距應治七十里天花板山西距應治百三十里鎮川
口之外曰盤羊山土人云山舊產盤羊卽獬羊也代都
賦所謂獬羊養草以盤旋也盤與蟠通北魏太祖天賜
四年北巡自參合陂東過蟠羊山太宗泰常六年夏六
月北巡至盤羊山卽此案登國十年慕容寶擊魏遁至
參合坡營於陂東蟠羊山大雨暴水流
上天賜四年北巡自參合陂東過蟠羊山大雨暴水流
輜重數百乘殺數百人似山在新城河西大海一帶然
無可證實又射山魏帝時幸之地當在朔平邊外魏紀
天興六年北巡築離宮於射山繞土校獵東北踰嶺出
參合代谷天賜三年幸射山遂登定襄角史其西南曰
山明年幸射山宮遂如參合陂似非狼山
十九山與邊內紇真山接乾柴山洞在陽高邊外清涼
嶺之北西北距應治百里舊有礦洞今封塞慈老壩西

北距廳治八十里南直鐵裹門正黃旗之南曰黑山西
南距廳治二百里踰山而北爲正黃旗總管治明史嘉
靖間大同烽警前衛總兵周尙文與戰黑山進至涼城
案涼城在甯遠其黑山當大青山在高廟之北西南距
是左雲縣北之黑山堡
廳治二百二十里北接察哈爾正紅旗界山有數峰東
一峰尤高蒼翠峻嶒故土人亦謂之大青山東洋河北
來繞其麓東入直隸張家口
案豐鎮迤北之川東起哈
檀和碩西至甯遠之阿魯
賓巴爾台延長二百餘里準
於古爲牛川地大青山自
川北委蛇而東其入內邊者
則循黑河北源而下故甯
遠西山爲全晉諸山落脈之
始此志分畫極爲明晰云

謹案七廳山川惟大同志豐鎮爲詳近刻圖輿於威
甯壺盧二海于延延鄰二水皆合爲一賴志得正其
誤此外各廳其說不備則仍以圖爲據參以方輿紀

要朔平府志於古今形勢粗知其概亦難保其無訛也豐鎮以北近年墾闢直越牛川則川北之意親和兜諸山當在界內大河以西自薩拉齊至河曲縣百里以內悉吏治所及則套內之榆林河濱故縣非僅鄰疆然租賦則以旗分土田限以界濠地從主人無關封守也故皆不徵及

右金河源以東之山在甯遠豐鎮二縣境者